

NONA  
MUSCULORVM  
TABVLAE



NONAE MUSCULORVM TABVLAE  
CHARACTERVM INDEX.

*PRÆSENS* tabula omnium posteriorum corporis faciem exprimentium, prima habebitur, hic ordine nona. Si tamen anterioribus seriatim ac uicissim posteriores subsequi uelles, posset hæc omnium esse aut tertia, aut quarta. nullum enim abscitum habet muscolum, præter eos, quos carnea membrana constituit, tertiaq; tabula obuij sunt. Præterea transversa in cubiti externa sede, iuxta brachiale reposita ligamenta hic dissectuimus, quod prima & secunda tabulis abunde conspicua fuerint, hancq; tabulam ad disciplinam prorsus parauerimus.

*A* Temporalis musculus.

*B* Os iugale.

*C* Masseter. Auris uero foramen cum ipsi subiectis glandulis, citra characterum subsidium est obuium.

*D* Musculus caput mouentium, à pectoris osse, & clauicula enatus, in mamillarem capitis processum inseritur.

*E, F* Musculus secundo loco inter scapulam mouentes recensendus. Atq; huius principium ab occipitijs ossibus pronatum, *E* ac *F* insignitur. *E* uero usq; ad *G* musculi principium ab occipite, ad

*G* octauæ usq; thoracis uertebrae spinam, à mediarum uertebrae apicibus quodammodo enatū.

*H, I* *H*, *I* insertio, quam musculus in scapulae spinam, & summum humerum, latiusculamq; clauicula sedem molitur. \* hac sede præsens musculus, quasi membraneum semicirculum obtinet, seu car-

*K* nosæ ipsius fibræ, in semicirculi cessant circumferentiam. *K* hac parte ceruicis collum uel thoracis elatissimæ parti committitur. Lineæ autem lateræ uel musculum circumscribentia in hunc modum colliguntur. Ab *E* ad *F* prima protenditur, ad occiput transversim ducta. Quod autem huius extremum *F* notatum, non tantum ab auris radice distare hic uideatur, quantum *F* remouetur ab *E* pictura, in causa est oculum fugiens, quod & sinistrum brachium in anteriora porrectum liquido demonstrat, quod forte ignarus, plus æquo breuius esse arbitrabitur. Porro secunda linea præsentis musculi ab *E* per *K* ad *G* metitur. Tertia autem ab *F* ad *H*. Quarta ab *H* ad *G*. Atq; his lineis musculus terminatur. Insertionis autem linea ab *I* ad *K* pertinet, nulla prorsus separationis nota existit.

*L* Musculus brachium attollens, cuiusq; motorum secundus.

*M* Musculus gibbam scapulae sedem occupans, brachiumq; mouentium quintus.

*N* Musculus ab humiliori scapulae costa pronatus, & brachij motus opificum tertius.

*O* Musculus brachium agentium quartus, sequenti tabula *O* insigniendus.

*P* In præsentis tabulae dextro latere *P*, indicat portionem abdominis musculi, quem obliquè descendentem uocamus.

*Q* Nonnihil in dextro brachio occurrit, brachium flectentium musculus.

*R* Posterior cubiti flectentium musculus.

*S* Musculus cubiti extensionis autorum, cuius principium ab humeri pendet ceruice.

*T* Musculus cubiti extendentium, cuius principium ab humiliori scapulae costa pronascitur.

*V* Lineæ sedes triangula, nullis obiecta musculis, excarnis uel, ac præcipue insertionem excipiens neruose cubiti extendentium musculorum insertionis.

*X* Musculus radium in supinum agentium, qui in inferiorem radij appendicem inseritur.

*Y* Musculus bicorni tendine brachiale extendens.

*Z* Musculum *Z* insignitum, autorem extensionis indicis, medij ac anularis recensimus, cuius initium *a* indicatur. Sedes uero, qua carneus esse desinit, *b* insignitur.

Muscus qui nobis extensionis autor parui digiti recensetur. Commixtionem tendinum musculi *Z* insigniti, ac musculi *O* indicati, quæ ad digitorum sit radicem, ita hic delineauimus, quemadmodum crebrius nobis occurrit.

*Λ* Musculus brachiale extendentium, cui principium offertur ab humero *c* insignitum. Insertionem uero *d* indicatam, in postbrachialis os, paruum sustinens digitum molitur.

*Π* In utroq; cubito *Π* insignitur musculus, brachiale flectens, octauoq; brachialis ossi insertus, ac in nulla musculorum tabula æquè atq; hic conspicuus. Quemadmodum & musculi latum manus

R 2 tendinem